

然所庇護居人不知其數請移真源縣就宮安置勅旨恐移縣就宮必多穢瀆縣依舊所宜准萬年例昇爲赤縣仍降青詞修齋告盟

### 周真人居上經堂基驗

周真人名太玄陶隱居弟子也年二十一而得道先於隱居證位其所居卽今紫陽觀處茅嶺之前平陸爽塏實爲福地堂側一片地稍高如舊屋基而無輓蹏蹤跡太玄於其上植花木時見有人高冠褒衣或三或二亦有介金之士明月靜夜立於其中家有小兒名小豆纔五六歲遊戲其上逡巡有人送置庭中如是者數四而無傷損一日問陶君說此祥異陶曰晉朝許君道藏輯要

雲笈七籤  
十三

六

井集六  
八〇八

舊宅乃上經堂基正當其地速作靜室爲焚香之所不可褻瀆也太玄因問上經所安之地何神明如此耶陶曰三洞寶經所在之地萬靈侍衛百神朝揖豈可不尊之耶太玄曰真經已去其地久虛而猶真靈衛之耶陶曰上經所安之地地祇守之七百年法宇之地千年正一所安之地善神護之三百年經法雖去年限未滿所以然耳太玄遂作靜室每旦夕香燈而不敢於此室朝拜存修恐法位高卑有真凡之隔爾

### 魏夫人壇十僧來毀九遭虎噬驗

魏夫人壇在南嶽中峯之前巨石之上是一片大石方可丈餘其形方穩下圓上平浮寄他石之上嘗試一人推之似能轉動